

Gvangjsih Minzcuz Bau

广西民族报 ganhhau: CN45-0036 B.2021 Nd.4 Ng.14 liggaeuq sincouj nienz ndwensam cosam

Baihguenjbanh:

Gvangjsih Bouxcuengh Swcigih
Minzcuz Cunghgyau Swvu
Veijyenzei

Biengauj okbanj:

Gvangjsih Minzcuz Bause
Geizsoq: Gungh daih 3469 geiz
Geiz neix 8 banj

Aen Hozdung “Sam Nyied Sam Bouxcuengh • Aen Ciet Hoengh Gvangjsih” Bi 2021 Hai Guh

Bonjbauq siusik (gicej/Dangz Lungz) 4 nyied 7 hauh, Swcigih Cwngfuj Sinhvnzban youq Namzningz hai Aen Hoih Lwnh Saehmoq “Sam Nyied Sam Bouxcuengh • Aen Ciet Hoengh Gvangjsih” Bi 2021. Miz bouxfucwz Swcigih Dangveij Senhconzbu lwnh vunz lai gij cungdaej cingzgvang gvendaengz Aen Hozdung Binjbaiz Siuyungh Vwnzva Lijyouz “Sam Nyied Sam Bouxcuengh • Aen Ciet Hoengh Gvangjsih” Bi 2021, miz bouxfucwz Swcigih Vwnzva Caeuq Lijyouz Dingh, Dijyuzgiz, Sanghvudingh, Minzcunghveij gak boux gak lwnh yiengh hozdung daeuz ndeu (gungh haj yiengh), gyoengqde cingznaek cingzna caensim doxiu gak boux beixnuengx ndawbiengz daeuj Gvangjsih angq

gvaq ciet “Sam Nyied Sam Bouxcuengh”.

Bineix Gvangjsih angqhoh Cunghgoz Gungcanjdangj laeb ndaej 100 hopbi guh hozdung senhconz caeuq son’ gvaug vunz lai “cungj riengz dangj byaij”, ndawde Aen Hozdung “Sam Nyied Sam Bouxcuengh • Aen Ciet Hoengh Gvangjsih” Bi 2021 dwg aen hozdung youqgaenj ndeu. Aen hozdung youqgaenj neix aeu “gyo aendangj riengz dangj byaij” guh cawjdaez.

Baih hai hoih lwnh gicej rox, duenh comz guh Aen Hozdung “Sam Nyied Sam Bouxcuengh • Aen Ciet Hoengh Gvangjsih” Bi 2021 de dwg 4 nyied 14 hauh daengz 5 nyied 14 hauh, youq duenh neix daengx gih 14 aen si gungh yaek guh 1000 lai ciengz

hozdung.

Ciuq vunz lwnh, ngoenzde Gvangjsih caemh youq Baekging guh Aen Hozdung Hawj Vunz Lai Rox “Gyo Aendangj Riengz Dangj Byaij—Sam Nyied Sam Bouxcuengh Doxiu Youz Gvangjsih”, daj neix couh hai guh le Aen Hozdung Binjbaiz Siuyungh Vwnzva Lijyouz “Sam Nyied Sam Bouxcuengh • Aen Ciet Hoengh Gvangjsih” Bi 2021.

Boux beixnuengx lawz yaek rox cingcuj gij hozdung daeuz ndawde ne couh ciuq aen vangciz neix — http://www.gxmzb.net/content/2021-04/08/content_9411.htm— hwnj Gvangjsih Minzcuz Bau Vangj bae yawj.



Yizcouh Gih Minzcuz Cunghyoz Guh Ciet “Sam Nyied Sam Bouxcuengh”

4 nyied 7 hauh, Yizcouh Gih Minzcuz Cunghyoz guh aen ciet minzcuz diyzuz vwnzva yisuz “Sam Nyied Sam Bouxcuengh”. Ngoenzde, youq ndaw hagdangz neix, vunz doxriengz yienj fouxlunz fouxsaecij, vwnzyi cizmuz, minzcuz diyzuz dem fouxfaexsax, ndei yawj baenzmaz, angqyangz lailai. Ndaw doz dwg aendoih diuqfoux ndaw hagdangz neix diuq aen foux (Mbanjcuengh Ceiq Gyaundeil).

(Vangzyuz Fanghyauj)

Gvangjsih Youq Fangzcwngzgangj Hai Guh “Ndwen Senhconz Minzcuz Doxgiet Baenaj”

Bonjbauq siusik (gicej Veiz Sangyungz Liengz Cingz) Cunghvaz Minzcuz cungj caemh ranz ndeu, caezhoz guhdaengz siengmuengh Cungguek. 4 nyied 8 hauh, aen yizsiz Gvangjsih hai guh “ndwen senhconz minzcuz doxgiet baenaj” de youq Fangzcwngzgangj Yenzbozyenz guh lo.

Gyangciengz miz gij sing go hoengz 《Ciengq Cit Fwen Ndeu Hawj Dangj Dingq》cingznaek youh ndeidingq de doxbuenx, aen hozdung comz yienj minzcuz vwnzyi “gyo

aendangj riengz dangj byaij • hawj vunz lai cungj nyinh dwg aen Cunghvaz minzcuz ndeu” hai guh lo, neix dazyinx haujlai vunz daeuj yawj.

Gwnzdaiz miz bouxyienj haenqrengez yienj cizmuz, lajdaiz miz bouxyawj bekfwngz mbouj dingz. Youq yangciengz neix, mbouj suenq gij yienjok ndei yawj dangqmaz neix ne, vanzlij miz hozdung baijok gij dozsiengq lieb’ingj hong minzcuz, senhconz minzcuz cwngcwz fazgei dem gij saeh yienghbanj minzcuz

doxgiet baenaj daengj, langhbaiz liuxcaez gijneix: Miz minzcuz cwngcwz aendangj ciuqrongh, daengx gih guh hongsaeh minzcuz doxgiet baenaj dem hwngfat ginghci sevei ndaej baenzsaeh hungmbwk.

Ciuq vunz lwnh, daj 4 nyied 8 hauh daengz 5 nyied 8 hauh, Gvangjsih aeu “gyo aendangj riengz dangj byaij • hawj vunz lai cungj nyinh dwg aen Cunghvaz Minzcuz ndeu” guh cawjdaez, heuh daengx gih cungj guh ndwen senhconz minzcuz doxgiet baenaj.

SIUSIK DINJ

● 4 nyied 8 hauh, Swcigih Sanghvudingh daengj bumwnz hai Aen Hoih Lwnh Saehmoq Guh “Aenciet Siuyungh 33” Gvangjsih. Ciuq vunz lwnh, baez hozdung neix lienzdaemh guh 2 ndwen nanz; gak baih comz rengz guh 500 lai ciengz hozdung hawj doxgaiq gai bae lailai, hawj doxgaiq Gvangjsih gai doh daengx guek, hawj bonjdieg siuyungh suiyingz hwnj sang.

(Couh Hungzmeiz)

● 4 nyied 8 hauh, Ginhcouh Si Caizcwnggiz ok siusik, bineix geiqdoh daih’ it, Ginhcouh Si cujcz caizcwngz souhaeuj 55.34 ik maenz, beij bi’ gvaq caemh duenh gyalai 30.36%, youq daengx gih gyalai ceiq lai.

(Banh Yinzfungh)

● Mboengqneix, Swcigih Nungzyez Nungzcunh Dingh ok 《Aen Fangh’ an Guh Hanghmoeg Haifat Daengx Canjnieb Mbawcaz Doxlienx Gvangjsih Bi 2021》, doengh baih daeuz guh hanghmoeg de yaek ndaej 50 daengz 300 fanh cienzngaenz cienmonz.

(Cinz Cing)

● 4 nyied 6 hauh, Cunghgoz Dezlu Nanzingz Giz Cizdonz Youjhan Gunghshw ok siusik, 4 nyied 2 daengz 5 hauh, Gvangjsih dezlu gyonj suenq gungh daehyinh vunz 177.5 fanh vunzbaez, beij bi-gvaq caemh duenh lai 117.7 fanh vunzbaez, gyalai 196.9%.

(Gangh Anh)